

直隸霍州志卷四

山川

山曰霍浸曰汾州之山川亦大矣而以吾牧其間蓋猶蚤之負而鉅之馳也然吾聞之地可以正政也山不童則用贍澤不弊則養足神明綱紀惟道之存是故貞於德則盤峙而淵渟擾其常則水煩而土敝吾志山川而惕然也

本州

霍山一名太岳一名霍太山在州東南五十里遞高三

十里主峯高百丈有奇盤踞一百七十里南接趙城北跨靈石東抵沁源古爲冀州之鎮今封霍岳中鎮祠在山麓歷代有祭告碑山之西有觀墀峯形勢突兀巔注打鼓泉中有鷓掌窠下分四峪義成峪楊家莊峪東王村峪皆有水石鼻峪在州東三十里迤至州南彘源發於此州境環繞皆山實皆霍山之麓也夏書旣脩太原至於岳陽又曰壺口雷首至於太岳孔傳三山在冀州太岳上黨西正義地理志云壺口在河東北屈縣東南雷首在河東蒲坂縣南太岳在河



東莒縣東是三山在冀州以太岳東近上黨故云在上黨西也周禮職方氏河內曰冀州其山鎮曰霍山藪曰陽紆川曰漳浸曰汾潞

爾雅西方之美者有霍山之多珠玉焉

國語宰孔謂晉侯曰景霍以爲城汾河涑澮以爲淵韋昭注景大也大霍山名今在河東莒縣

風俗通霍山言萬物霍然大也

徐廣曰霍太山在河東永安縣

通考太岳在今平陽郡霍邑縣卽霍也岳陽卽霍山也

直隸霍州志

卷四

山川

二

亦曰太岳

尹耕曰冀舊鎮霍也分并而恒始鎮也

唐禮樂志五岳四鎮歲一祭各以五郊近氣日祭之東岳岱山於兗州東鎮沂山於沂州南岳衡山於衡州南鎮會稽於越州中岳嵩山於河南西岳華山於華州西鎮吳山於隴州北岳恒山於定州北鎮醫無閭於營州東海於萊州淮於唐州南海於廣州江於益州西海及河於同州北海及濟於河南又曰霍邑有西北鎮霍山祠是霍州不列中鎮而別稱西北鎮也



閻若璩曰崧高維嶽謂崧然而高者惟是四嶽之山非以太室山爲嶽名曰崧高也爾雅撰於三百篇後緣此遂實指崧高爲中嶽太史公又出爾雅後并補注堯典曰中岳嵩高也是殆忘却禹貢之太岳矣將堯有二中岳耶漢武登禮太室易曰崧高中岳名益顯皆爲爾雅所誤者或曰然則周竟無中岳乎曰周仍以唐虞時爲中岳矣觀職方河內曰冀州鎮曰霍山可知蓋自有宇宙便有此山黃帝正名百物早已定五嶽之稱禹主名山川又從而奠之下迄周秦悉不

敢移豈有如武帝以衡山遠移南嶽之祀於灃霍山者乎嘗愛鄭康成注大司樂四鎮五嶽取諸職方九州之山而徧足少嫌其以嶽山爲西嶽而不以霍山爲中嶽又嫌其大宗伯注乃襲爾雅雜以嵩高忘却大司樂注殆由未善讀崧高之詩也哉

觀埏峯在州南廿五里霍山西上有宣貺眞君祠卽遺趙襄子朱書者也後人集木於南麓將建祠夜聞名諸村食牛聲鷄鳴牛胥逸出比曉木遂移山巔至今南麓有運木跡云

按埏字當作阜字



千里徑在州東二十里霍山下

陶唐谷在州東三十里中有玉泉西流漢書瓚注永安唐城堯所都也東去彘十里羣峰四合孤泉獨噴叢壑茂林繡錯殊狀相傳堯嘗遊此

義成谷在州東三十里中有水西流名義成渠

鷓掌窠在霍山中相傳妖蛛鬪龍於此

石鼻谷在州南五里彘水亦名石鼻渠谷中有朝陽洞冬不甚寒

喬宇記繇谷口入十五里至鎮下其形勢可伯仲於

諸嶽冢秀而翠翼拱而墮廟在山麓廟外皆山分脉合抱以繞其前古松數株如青幢鐵幹枝皆東向巔去廟尚三十里呂松若記入山由香谷口委蛇兩峽中厯伏虎巖謁中鎮廟門外有橋橋下水潺潺西去沿水東爲興唐寺宋老生兵敗處也寺外有蓮華池羅漢洞二白骨松參天圍約七八人至是舍騎而步至雙門峯路下削如覆鐘南紅巖谷北桃花谷兩水合於此有石橋橋下有洗心泉可汲再登爲十八盤有葡萄坪由此升土地嶺諸峯圍合疑無天地羣松



蒼鬱天風蕩之如萬馬飛青怒號無晝夜再上一岡  
南突出爲觀音閣有泉冷然塔居其上樹叢叢烟靄  
靄爲慈雲寺背則天馬峯其下陡壁巉削泉聒聒注  
澗底從天竺峯穿正法庵徑佶曲紆折過南岩東轉  
厓徑一線徑窮卽休糧龕三面削壁厓中穴隙若懸  
雷苔蘚盈尺覆石上古寺建於此由此過馬跑泉南  
爲說法臺旁諸石爲羣龍聽講坐東陟嶺有仙人石  
亭亭岩上松抱石而出旁結僧舍盱目上視屋搖搖  
欲墜不墜也有天池夏亦能冷山溪皆金蓮花蓋五

臺外所僅見矣

節錄  
原文

鑾鈴原在州南十里唐太宗過此掛鈴

南坡在州南十五里

聖佛崖在州西南十五里汾水東上有石佛千餘

金鞍嶺在州西十里唐太宗息馬卸鞍

風吹嶺在州北十五里

北坡在州北十五里

鳳棲嶺在州北四十里鳳棲村

回牛嶺在州東北



汾河繇靈石縣南關鎮南流入州境經城西又南下趙城縣水經汾水又南入河東界又南過永安縣西水經注故彘縣也周厲王流於此歷唐城東瓚注漢書云堯所都也東去汾十里汾水又東與彘水合水出東北太岳山卽霍太山矣又南逕霍城東故霍國也汾水又逕趙城西南

彘水源出州南石鼻谷西流合州東八里大張村古魚池東十里邱家崖下章邱泉諸水經城西南入汾水經注彘水出汾東北太岳山又西流逕觀阜北又西

直隸霍州志

卷四

山川

六

流逕永安縣故城南西南流注於汾水五朝志霍邑有霍山有彘水是也

章邱泉在州東十里邱家崖

圓泉在州東南十五里陰地村

打鼓泉自霍山嶺下注水經注霍太山有靈泉以供祭事鼓動則泉流聲絕則水竭卽湘東陰山縣有侯曇山上靈壇壇前石井深數尺居常無水及臨祈禱則甘泉湧出周用則已亦其比也打鼓義當取此山頂注下聲如播鼓其說殊淺



霍泉發源霍山南麓水經注南霍水出霍太山發源成  
潭漲七十步而不測其深西南逕趙城南西流注於  
汾水

方池在郭莊村廣盈一畝淵邃瑩冽引渠溉田入汾  
碧玉泉在許村崖下

藍腰溝在州西北靈石界左山右河

三里溝在州北左右大山

邢家泉在州東北

龍池溝在州東北

直隸霍州志

卷四

山川

七

羅頭泉在馮村東溝

師家泉在州東北

馬跑泉在州東北杜莊村唐太宗馬蹄跑得泉時杜十

萬以餉師功賜此泉

玉泉出陶唐谷山半瑩潔如玉

轟轟澗出汾西縣西十五里流經城西南入汾水聲如  
雷

趙城縣

霍山在縣東北三十里入山五里卽中鎮廟廟東南有



興唐寺東十里有休糧寺又南有廣勝上下二寺霍山勝概廣勝寺爲最廣勝勝概柏居多泉石映柏彌清柏萬株枝胥南向上有五色花雙頭蛇萬年燈白骨松

休糧山有泉自巔飄墜曰打鼓泉上有方石高數丈名說法臺土人傳休糧菩薩蹟旁有五小臺卽龍王聽講處臺下有拴虎石

觀地峯在縣東北四十里上圓

秦王坡在縣南三十里

直隸霍州志

卷四

山川

八

羅雲山在縣西四十里北接汾西南連洪洞西抵蒲縣李志卽姑射山喬宇記姑射山自西北蜿蜒而來平其支石孔其陽三磴其鈎帶泉抱山麓而出又太平縣志汾西青山趙城縣羅雲臨汾九孔平山襄陵三磴胥姑射也

明珠山在羅雲東北近石明里山西南溝中有龍泉婁山在羅雲南卽其支衍也隸洪洞什之八

出佛峽在縣西四十里卽羅雲石峽也山崖下墜大小石皆似佛首



五女原在縣北十五里通志稱貝州宋廷芬爲之問裔  
孫五女皆警慧能文曰若華若昭若倫若憲若荀貞  
元中若華召入宮呼學士貞元七年詔掌秘禁圖籍  
後以若昭嗣秩歷穆敬文三朝皆呼先生寶曆初若  
憲代司官籍此亦附會之詞貝州與趙城固無涉也  
九仙洞在五女原西懸崖高千尺汾水怒濤洞中如聞  
仙樂

青條谷在霍山

范霍峪在霍山馬跑泉發源於此峪中大石有馬蹄跡

直隸霍州志

卷四

山川

九

及人半面跡土人傳二郎神聽水面貼於石云

汾河在城西繇州入縣境三十里又南入洪洞境水經  
注汾水又逕趙西南穆王以封造父趙氏自此始也  
汾水又南霍水分焉又金志有姑射山汾水霍水  
臥牛池在縣東南三十里伏牛臺下相傳伏羲服牛乘  
馬始於此旁有伏跪坑乃牛跪地也

霍泉泉源自沁源縣至岳陽縣南滲水灘伏流八十里  
至霍麓見爲泉渟浚半畝混混時出不可涯涘

赤壁水源發霍山東南流至岳陽縣西漏崖入地南三



十里復出合澗水

羅雲小泉在羅雲東北下味最甘冽

八角井在侯村里朝不盈二尺至夕常盈相傳媧皇飲馬於此

南大澗在縣南二十里上紀落鎮南出霍山青條谷中  
袤四十里入汾上有石梁

南小澗在縣南出霍山谷中故屯南西入汾有龍王廟  
廟禱輒應名小澗龍王廟

第一河源出縣西佛峽流經蒲縣城西至大寧縣界入

直隸霍州志

卷四

山川

十

黃河山溪奔匯諸水取宗故名

轟轟澗源出汾西入州境東至縣西石明里又折北流  
入汾

北大澗在縣北一里出霍山觀音溝袤三十里西入汾  
北小澗在縣北二十里益昌鋪出霍山谷中袤十里經  
跑地橋西入汾

舞羊澗在縣北十里南山上小泉雨集輒成河東入汾

靈石縣

綿山在縣東四十里以介之推隱此又名介山高五里



盤踞七十里北跨介休東南接石膏山又東南接沁源霍岳盤袤遼邈隨地異名山下有小水河內有藥室四壁高峻中函平原相傳晉錮樂盈於此又有抱腹岩羣峰簇擁為茲山之奧區岩西曰鐵索嶺攀援可登由嶺而西曰白雲洞俗曰中岩泉出壁間孔百餘類蜂窩故名蜂房泉又有泉出下岩名下馬泉山隸介休境二十五里以山脊分界其陰屬介休陽屬靈石

按王志康熙初介邑令李鍾盛因兩邑爭界立分界碑記以介山南之北搭鉤紅岩村柏溝峪大小柏溝村介神廟屬靈石山北之說法臺等處屬介休

抱腹山即抱腹岩也岩高出雲表秋冬之交山下微雨山上已大雪數尺盼連介休

翠峯山在縣東高半里許石壁巉巖四時蒼翠

孝文山在石膏山東十里餘相傳孝文帝駐此得名石膏山在縣東南七十里與尖陽山相對東接沁源高十里盤踞十五里有上中下三巖峯巒壁立溪壑幽深產石膏仁義河導源於此上有數石洞石膏滴乳石巖中有佛像左為龍洞水冬夏不涸

尖陽山在縣東南七十里東接沁源山勢陡峻峯插雲



表每春融時積雪未消

十八盤山在石膏山南山極陡險上下盤繞共十八曲  
馬頭山在縣東五十里抱腹岩之南俗名馬脊山又名  
鳳頭山

捕狐山在縣東南上有廟祀捕狐神

臥牛山在縣南五十里以形名

姚家山在縣西北十里

列鳳山在縣西十五里如飛鳳

逍遙嶺在縣南五十里

直隸霍州志

卷四

山川

十三

東山在縣北小水頭鎮東峯聳林密

柏槐巖在縣東五十里連抱腹岩

馬跡巖在縣東三十五里石上馬跡宛然

龍巖在縣南七十里上有寺俗傳宋藝祖避兵於此  
禪房巖在綿山內有石洞深入百尺風雨不侵泉深入  
尺不涸不溢

韓侯嶺在縣南二十里上有韓侯廟墓在廟後相傳漢  
高祖親征陳豨於代返駐嶺上會呂后殺侯長樂宮  
之鍾室函首送帝前遂於此葬焉



秦王嶺在縣西南三十里峯巒雄峭汾水撼其麓折而南趨

蛤蟆嶺在縣西南五十里俗呼蚰子嶺

桑平峪在縣北五十五里

舒江峪在縣北接孝義境

印馬峪在縣西接隰州境

石門峪在縣西四十里

魚兒峪在縣東南八十里

屏風石在縣東四十里三清寨上乃綿山峯也高踰百

直隸霍州志

卷四

山川

十三

丈廣厚數十丈如屏風然石下有清泉

搖車纏在縣東山勢最險上多樹木

竹竿阪在縣南十里

拖風澗在東山中峻人不能陟

文殊原在汾河西上有聖松枝葉橫長相傳文殊菩薩

化現於此

王禹原在縣西南道美里

望川原在縣北七十里

馬家溝在縣西南張志里連汾西境



雀鼠谷唐書載谷東北距介休二十一里今屬靈石詳見關隘

汾水導源寧武管涔山下過靜樂縣西南入太原汾州府境曲折分流至介休西南流經縣境冷泉兩渡直逼縣城北合小水河繞城西復轉而東抵翠峯山下又折而西經魯般纏滙郭家溝水至南關鎮合仁義河南入州界

小水河源出綿山輿地峪及柏溝曲美峪流經靜介各村至縣北門外入於汾夏秋水暴漲勢急如建瓴縣處下流賴柳堤以禦之

直隸霍州志

卷四

山川

一四

雙河在縣東一百七十里源出雀兒山巖東流入沁河仁義河在縣東南七十里源出沁源縣經尖陽石膏諸山南歷西村道遷村仁義鎮會石門溝柳溝羅兒溝青石溝諸河至南關鎮入河

曲柏峪在縣東四十里源出綿山箭霍巖諸溝之水流經梧桐各村合小水河入汾

柏溝峪河在神林北源出綿山樂室諸澗水張嵩各村合小水河入汾



與地峪河在柏溝村北源出介休五龍溝會北搭溝諸  
澗水兩縣皆藉灌溉之利流經旌介村合小水河入  
汾

沙峪溝河在縣東四里入小水河

石門峪河在縣西四十里源出孝義境會舒江峪諸水  
經文學里至夏門鎮入汾卽西河也

懷來峪河在縣西十里入汾

石村溝河在縣南五里會東山水入汾

郭家溝河在韓侯嶺常家山之中會各山水經魯般迤

入汾

景家溝河在索洲鎮汾河西合孝義郭壁村之水入汾

郭家溝河在曹村北合文學里諸溝之水入汾

石門溝河在仁義鎮北入仁義河

羅兒溝河在縣東北十里入小水河

乾龍池在縣學西北隅因築城取土遂成深池堪輿家  
謂宜引水以補風氣萬曆乙亥知縣白夏自學東導  
水環遶西南流注池內且通城下暗渠再引汾水注  
入足備兵患士民便之今名化龍池



冷泉在縣北四十里風景寒涼其泉清冷下通汾河視  
河水消長以爲盈涸

平泉在縣北三十里少入景家溝

野泉在縣南十里水極甘美